



22. september 2021

Inatsisartut suleriaasia § 37 imm. 1 malillugu matumuuna Naalackersuisunut ukuningga apeqquteqaateqarpunga.

Naalackersuisunut apeqquteqaatit:

1. Nunanut Allanut Naalackersuisup kalaallit inuusuttut Illersornissamut peqataanissaat kissaatigaat?
2. Sooruna Nunanut Allanut Naalackersuisup Illersornissamut ministeriuneq, Trine Bramsen, qinnuigisimagaa Kalaallit Nunaanni sakkutuunngorniarluni misilitsinnissat unitseqqullugit?
3. Nunanut Allanut Naalackersuisup Kalaallit Nunaanni sakkutuunngorniarluni misilitsittarnerit aappaagu ukiunilu tulliuttuni nangeqqinneqarnissaat kissaatigaa?
 - a. Siusinnerusukkut isikkulimmik sakkutuunngorniarluni ilinniartitaanerup nangingneqarnissaat Naalackersuisut kissaatiginerpaat, issittumi illersornissamut isumaqatiginninniarneri ingerlanneqarneranni? Naamiuppat, akissut tunngavilersoqquneqarpoq.
4. Naalackersuisut qanoq ilillutik inuusuttut illersornissamut tunngasunik soorlu assersuutigalugu Issittumi Sakkutooqarfiup ingerlattagaanut piginnaasaat inerisarniarpaat, taakku suliasat nunaqavissunit inuiaqatigiittullu piginnittuunissaq qulakkeerniarlugu?
5. Sooruna tassanngaannaq inuusuttut sakkutuunngorniarnissamut misilitsikkiartornerminni Danmarkimut akiliunneqartarnerat inatsisitigut pisinnaajunnaartoq, uffa tamanna ukiuni arlaqartuni atugaareersoq?
 - a. Ukiuni taakkunani Kalaallit Nunaanni periarfissaanngikkallarmat inuusuttut Danmarkimut sakkutuunngorniarnissamut misilitsikkiartorneranni inatsit unioqputinneqartarsimava?
 - i. Taamaappat, kalaallit qassit eqqartorneqarpat, periarfissamik taassuminnga atuisimasut?
 - ii. Taamaanngippat, nassuiarsiuk, sooq maannakkorpiaq taassuma periarfissap atuutilerseqqinneqarnissaa ajornarpa?
6. Kalaallit Nunaanni sakkutuunngorniarnissamut ilinniarneri unitsinneqarneri Naalackersuisut pisortatigoortumik qanoq isumaqarfigaat?
7. Kalaallit inuusuttut Danmarkimi sakkutuunngorniarnissamik kissaateqartut aningaasatigut ikiorserneqarnissaasa maanna unitsinneqarnerat Naalackersuisut qanoq isumaqarfigaat?
8. Naalackersuisut piffissamik taasisinnaappat, qaqugu Illersornissaqarfimmut ministeriaqarfimmut isumaqatiginninniarneri naammassineqarnissaat naatsorsuutiginerlugu?
 - a. Taamaappat, qaqugu tamanna innuttaasunut saqqummiunnissaa naatsorsuutigineqarpa?



b. Taamaangippat, tunngavilersorsiuq Naalakkersuisut ammanerulernissamut inatsisartoqarnikkullu tunngaviusumut isummernerat politikkiillu.

(Inatsisartunut ilaasortaq Anna Wangenheim, Demokraatit)

Tunngavilersuut

Siusinnerusukkut assingusunik arlalinnik paragraf 37 tunngavigalugu Naalakkersuisunut apeqquteqaateqartarsimavunga, sulili paasingilara, inuusuttut illersornissami ilinniagaqarnissaannut siunissami periarfissaanut tunngatillugu Naalakkersuisut qanoq politikkeqarnersut.

Taakkulu saniatigut takusinnaavara, nunatsinni nutaarsiassaqaartitsivinni tusagassiortut arlaleriarlutik saaffiginnittaraluarlutik akissutissarsineq ajortut, taamatullu Inatsisartut Nunanut Allanut Illersornissamullu ataatsimiititaliaat apeqquteqaateqarsimanagerat, aamma iluaqutaasimanani.

Taamaattumik allatut ajornartumik apereqqittariaqarpunga, maannangaarlu ilisimatitsissutigeriissavara, iluarisimaarunnannginnakku, siusinnerusukkut ersarluttunik naammanngittunillu akissutaasarsimasunut innersuunneqassaguma.

Isumaqarpunga, suliaq tuaviortuusooq, maannakkut inuusuttut arlallit pujorsuup iluaniitikkatsigit, Naalakkersuisut piffissaliisimangimmata, qanoq sivisutigisumik danskit illersornissaqarfiannik isumaqatiginninniarnarit ingerlassanersut. Taamatullu pilersarusiortoqarsimangilaq, qanoq kalaallit inuusuttut sakkutuutut ilinniarnissaannik periarfissat qulakkeerneqassanersut, taannami illersornissaqarfimmi ilinniartitaanernut ammaassisinnaammat taamatullu nunatta ineriartorneranut pitsaasumik tunniussaqaarnissamut periarfissiisinnaammat. Aammaarlunga oqaqqissaaga, ilinniakkat tamarmik pisuunerulersittaraatigut, aaliangernerillu allat tamarmik, parlattuanik pilersarusiorneqanngitsut nunarput piitsuunerulersittarlugu allaniillu immikkoortilerlugu. Tamanna innuttaasut soqutigisaannut naapertuussinnaanngilluinnarpoq.

Tallimangorneq 17. september 2021 KNR-ip aallakaatitassiaani INUIAAT TILLERNERAT-ni Nunanut Allanut Naalakkersuisooq oqaluttuartoq tusarneqarsinnaavoq, illersornissamut ilinniakkanut tunngatillugu paatsooqatigiittoqarsimasooq, taamatullu suli periarfissaasooq inuusuttut taakkunani ilinniarnissaannut. Tamattutaaq sunngu.gl-imut innersuussisooqarpoq. Taamatutaaq Nunanut Allanut Naalakkersuisooq nassuiaavoq, paatsooqatigiinneq tunngavigalugu suna tamarmi uninngatittariaqarsimasooq, puigorpaali nassuiassallugu, kina paatsoorsimanersooq pisussaaffinilu puigorlugu akissutinik paatsoorneqarsinnaasunik oqaaseqassannginnami.

Nunanut Allanut Naalakkersuisooq apersorneqarnermi apeqqutit qitiulluinnartut akiumangilai akisussaaffimminillu qimarratiginnilluni sakkutuunngorniarnissamullu ilinniagaqarnissamut periarfissanut apeqqutinut ilinniartitaanermut Naalakkersuisumut innersuussivoq, tassunga nammineq akisussaannnginnerarluni. Naalakkersuisut iluminni suleqatigiinnissaat inuiaqatigiinnut pitsaanerpaaq anguniarlugu kissaatiginaraluaqaaq, aaliangiinerillu akissutillu iluminni tulluussartaraluarunikkit innuttaasut akornanni avissaartuunermik paatsuuganermillu pisoqartassanngikkaluarpoq. Naalakkersuisut ataatsimut pituttortumillu akisussaaffeqarput. Taamaattumik paasisinnaanngilluinnarpara kalaallit



DEMOKRAATIT
DEMOKRATERNE

sakkutuunngornissamut ilinniagaqarnissat unitsitsinissaannik aaliangiinerit kisermaassilluni
tunngavilersorneqarsimassappata.

Apequteqaatima ullut suliffiusut qulit iluanni akineqarnissaat kissaatigaara.